



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Annales Mariani Societatis Iesv**

**Nádasi, János**

**Romæ, 1658**

Anno MDCXXXVIII.

**urn:nbn:de:hbz:466:1-42840**

tandem erectam, dicente: *Esse Matrem Misericordiae* in templo nostro: eam in nulla causa appellari frustra, quantumcunque esset grauis ac deposita. Ad hæc illa respirauit; & persuaderi sibi passa est, vt peccata illa vellet confessione deponere. Id parante illâ, noster exorcismos præmisit; & linteolum cruentum, (quod fœminâ dæmon dederat.) vt in ignem conijceret, ac dæmonem eiuraret, imperauit. Fecit id illa quod iubebatur: & ope Virginis, dæmon terrimâ formâ cum eiulatu se è conclauis eripuit, ac euauit. S. Ioseph: *Cordis mei oculos illumina*, ò *Virgo: libera me à tenebris in æternum duraturis*, ò *luminis porta*.

4. Ian.

ANNO MDCXXXVIII.

861 Hoc anno P. Laurentius Gorettus Hispali 2. Febr. in consuetâ votorum instauratione B. Virginæ sibi videre est visus, quæ cor nouum donans Laurentio, & in apertum eius pectus inferens, dixit: *Cor istud cautè vt custodias vide. nam istud cor meum est. In Laurentij nouum cor. cadebat illud S. Bonauenturæ: Dulcore tuo liquefactum est cor meum: amore tuo inflammata sunt viscera mea.*

ob. 1638.

17. Iunij.

Cor custodire.

Pf. 38.

862 Hoc anno 22. Decembris indulgentijs dotata est noua Mediolani in Domo Professorum erecta Sodalitas felicissimi transitus B. V. Eius tessera est imago B. V. morientis. Secundâ mensis cuiusuis Dominica cælesti mensæ accumbunt in templo ibid. Sodales. Suprema LXXII. Sodalitij capita defendendæ Immaculatæ Conceptioni B. V. se voto obstringunt, quoad per Ecclesiam id licet. S. Io: Damasce-nus: *O causa salutis mortalium, ò fida fidelium propugnatrix! ò peccatorum propitiatorium, ò fons omnis honesti, ac bonorum suppeditatio, DEI Genitrix purissima.*

Mortem suam illi sæpè commendare.

m. s. f. r. 5. ode 8.

863 Hoc anno Viennæ Austriæ P. Ioannes Baptistista.

pag. 43.

ptista Posarelli edidit coronam, seu librum de excellentia Virginis, & imitatione. Refert, & fusè probat illud S. Anselmi: *Cui datum est, dulci studio sepè posse cogitare de B. Virgine, magnum is promerendæ salutis habet indicium.* Mechliniæ item edidit P. Hadrianus van Lyere Tractatum asceticum de religione ac cultu SS nominis MARIÆ. Antuerpiæ verò prodijt P. Petri Biveri liber de *sacris priuilegijs, ac festis*

pag. 27.

28. 33. 39.

44. 46. 54.

77. 88. 91.

155. 339.

387.

Scintillis  
iaculatos  
rysvoti ad  
B. V.

*magne Filie, Sponse, ac Matris DEI, & Sanctorum Ioachimi, Annæ, Iosephi.* Ibi plura B. V. elogia explicat: *Filia cordis DEI; quam qui offendit, cor diuinum lædit: typus felicitatis, dies dierum, prima DEI sectatrix, firmamentum precipuum, priuilegium priuilegiorum; primogenita Dei, cor mysticum, radius deitatis, dulce mysterium, pretiosa charta, aura lætitiæ, dies quietis, dulce festum.* Eiusdem Biveri est *Oratorium piarum imaginum Immaculatae Mariæ: quem librum ægris nosiris in valetudinario, solatio fuisse vidi.* Bruxellæ lucem aspexit P. Henrici Nemij *Maria Mater misericordiae, aduocata fidelium animarum.* Hisce annis prodijt etiã P. Henrici Vuangnereck *Zodiacus Marianus; & P. Simonis Berent musicis modulis accommodatæ Litaniæ Lauretanæ.* Duaci autem (annum certum non inuenio) horologium patientis IESV corollæ Deiparæ illigatum pio ingenio.

ob. Romæ  
1638.

Cor illi  
dedicare.

864 Petrus Angelus Buonchristianus Scholaasticus frequenter scripto, ac suspirio ita dicebat: *B. Virgini MARIÆ Matri meæ ego Petrus Angelus offero totum cor non ampliùs meum, sed tuum. Fiat voluntas tua. Protestor, quod omne momentum, & respiratio vitæ meæ sit vestra, ò IESV, & MARIA. tibi dedico cor meum; & per te Domino IESV seruatori meo, in holocaustum perfectissimum. Vellem cor euellere posse radicitus; & illud in tuis benedictis manibus collocare.*

Amen:

Amen: & nomen adiecit. Semper verum est illud Bernardi: Hortus deliciarum nobis est Sacratissimus tuus vterus: quia ex eo multiplices gaudij flores colligimus quoties mente recolimus quàm magna multitudo dulcedinis toti orbi inde affulsit.

t. 2. orat.  
ad B. V.  
fol. 403.

## ANNO MDCXXXIX.

865 Petrus Bastus Coad hoc anno 20. Iunij ex-  
pergefieri sibi & vocari visus est à tribus Cherubini-  
nis dicentibus: Deipara te vocat. abiit cum illis, &  
in sacro in sacra hostia illi visa est repræsentari Af-  
sumptio Deiparæ illum aspectu suo mirificè re-  
creantis: id quod aiebat à se spectatum quotidie,  
à festo B. Aloyfij vsque ad festum S. P. Ignatij.

Assump-  
tio.

866 Hoc anno morienti in Vrbe Chuquisaca,  
P. Didaco de Torres Beatissimã Virginem Matrè cum  
Filio suo IESV apparuisse fama cõstans affirmat. Idè  
P. Didacus Torres cum ante quàm nomen Societati  
daret, Sodalitati B. V. à secretis esset, sibi cala-  
mum concinnauit, quo, velut Virgini sacro, ad  
eius tantum obsequia in cœtu Parthenio vteretur.  
Et verò illum calamum, tanquam rem suam, vide-  
tur seruasse Virgo. Nam cum æqualium quispiam  
illum calamum fortè surripuisset, iamque se ad scri-  
bendam suæ nescio cui mollioris argumenti epi-  
stolam accingeret, noluit Virgo rem sibi à Dida-  
co dedicatam parùm casto ministerio contami-  
nari. Quare impurus ille scriptor sacro quodam  
horrore concussus sensit sibi vi nescio quã cala-  
mum è manibus eripi, atque humi allidi. Hic  
idem fortasse fuetit ille calamus, de quo è Boni-  
facio & Benci, narrat Lechner, furem illum ca-  
lami Mariani simul sibi os palmã verberari sensisse,  
simul hæc audisse: Etiamne, scelestè, rem mihi  
dicatam temerare audes impuro ausu?

Mors.

ob. 1639.  
13. Ian. in  
Peru.

Casitas.

Sod. Par-  
th. l. 3. c. 1.  
n. 2.

G G G

Hie-